

世結夫婦之儀而我成天仙樂蓬萊宮中子作地仙遊澄江浪上今感宿昔之因隨俗境之緣子宜向蓬萊宮將遂曩時之志願令爲羽容之上仙島子唯諾隨仙女語須臾向蓬山於此神女與島子携到蓬萊仙宮而令島子立門外神女先入金闕告於父母而後共入仙宮神女並如秋星連天衣香馥々似春風之送百花香珮聲鏘々如秋調之韻萬籟響島子已爲漁父亦爲釣翁然而志成高尚凌雲彌新心雖存強弱得仙自健其宮爲體金精玉英敷丹墀之內瑤珠珊瑚滿玄圃之表清池之波心芙蓉開脣而發榮玄泉之涯頭蘭菊含咲不稠島子與神女共入玉房薰風吹寶衣而羅添香紅嵐卷翡翠容帷鳴玉金窻斜素月射幌珠簾動松風調琴朝服金丹石髓暮飲玉酒瓊漿千莖芝蘭駐老之方百節菖蒲延齡之術妾漸見島子之容顏累年枯槁逐日骨立定知外雖成仙宮之遊宴而內催故鄉之戀慕宜還舊里尋訪本境島子答云暫侍仙洞之霞筵常嘗靈藥之露液非是我幸乎久遊蓬壺之蘭臺恣甘羽容之玉盃非是我樂哉抑神女施姊範島旣夫密進退在左右豈有逆旨乎雖然夢常不結眠久欲覺魂浮故鄉淚浸新房願吾暫歸舊里卽又欲來仙室神女宜然哉與送玉匣裏以五綵緘以方端之金玉誠島子曰若欲見再逢之期莫開玉匣之緘言了約成分手辭去島子乘船如眠自歸去忽以至故鄉澄江浦尋不值七世之孫求只茂萬歲之松島子齡于時二八歲許也至不堪披玉匣見底紫煙昇天無其賜島子忽然頂天山之雪乘合浦之霜矣

〔續浦島子傳記〕承平二年壬辰四月廿二日甲戌於勘解由曹局注之坂上家高明耳

浦島子者不知何許人蓋上古仙人也齡過三百歲形容如童子爲人好山學奧秘術也服氣乘雲出於天藏之閩陸沈水行閉於地戶之扉以天爲幕遊身於六合之表以地爲席遣懷於八埏之垂一天之蒼生爲父母四海之赤子爲兄弟形似可咲而志難奪者也獨乘釣魚舟常遊澄江浦伴查郎而凌銀漢近見牽牛織女之星逐漁父而過汨灘親逢吟澤懷砂客於是釣魚之處曳得靈龜也島子心神恍忽不寤寐浮於波上眠於舟中瞥然之間靈龜變化忽作美女絕世之美麗希代尤物也○中南威障袂而失魂